

圓悟佛果禪師語錄序

漢四

龍圖閣學士朝奉太常卿掌管鑄銅鑄鐵勸農使司等官撰

佛以一音而演說法故一切法同此一音三
世諸佛此一音六代祖師此一音天下老和
尚此一音吾有正法眼藏分付摩訶迦葉濟乃
此一音正法眼藏向這瞎驢邊滅却亦此一
音以至風動林響泉鳴谷應亦此音雷霆霹
靂雨雹交橫亦此音人語市聲鵠鳩蛇蠍倉
庚寒蟬亦此音麻三斤庭前柏樹子得髓得
皮老兄未徹拄杖子跨跳上三十三天觀音

胡餅却是饅頭無非此音以至一切語言銅
鑼盛油銀椀盛雪鷓鴣啼華珊瑚擰月不落
不昧通身徧身將心與汝安吸盡西江水亦
無非此音不作此音會而作語言聲說妄生

分別無有是處昔楊岐以此音簧鼓天下至
圓悟大禪師此音益震師因頻呼小王之音
與檀郎認得之音然後大唱此音不數德山

歌壓倒雲門曲凡樓子我若無心之音及盤
山紅輪西去之音皆當立下風盡是老凍膾
所以於建炎中興天子前奏此一音四海寂

默而無敢鳴雲居安樂堂上擅此一音衆人憎嫉而無敢和且道此老子乘誰恩力得恁麼奇特昔孔子窮於陳蔡之間左據槁木右擊槁枝而歌焱氏之風有其具而無其數有其聲而無宮角木聲與人聲犁然有當於人之心乃曰今之歌者其誰乎是亦此音而世未之知也圓悟老師其知之矣予蚤事佛鑑晚見老師叩此一音更無別調學徒若平亦唱師家曲者集師語要將以刊行求爲序篇以冠卷首若知此音則圓悟老師功不浪施

若不知此音而以語言文字求會解者是人行邪道不能見老師云紹興三年十二月二十日序

圓悟禪師克勤嘗被遇今上皇帝對揚正法眼藏其道盛行僧若平鳩工聚材欲以師法語傳諸天下以待後學託嚴州天寧老元弼丐予爲敘吁此果師之本旨哉予聞師常偃處一室坐斷語言轉無上法輪不容擬議揚眉開口立便喪身纔涉廉纖老拳隨起每舉

二義今乃欲裒集其平昔咬唾之音鋪陳而

揄揚之師其聞而有不釋然者乎雖然師之

不得已而有言我知之矣譬彼時雨隨物濟

潤遐陬僻處枯根蠶芽若大若小各各露足
而太虛空本自無相亦無有作觀覽于斯者

宜得之言意之表此集之行在在處處當有

神物護持云紹興四年二月日檢校少保定

國軍節度使知樞密院事南陽郡開國侯張

跋序

圓悟佛果禪師語錄卷第一

宋平江府虎丘山門人紹隆等編

住成都府崇寧萬壽禪寺師在昭覺初受六祖請拈帖示衆云幸自無事須要箇護身符子作麼然禍不入慎家之門且作麼生斷這

三

公案會麼兵隨印轉請維那剖露

四
舉法衣云古人事不獲已掛弊垢衣如今推免不下入這群隊去也大庾嶺頭藏不得如今也要大家知

指法座云盡十方都是箇寶華王座長在裏

許又何須特地車不橫推理不曲斷

陞座乃云蝸牛角上三千界雲月溪山共一家既爾業緣無避處不如隨分納些些一不做

二不休還有共相建立底麼僧問逢人即不出出即便爲人逢人即出出即不爲人未

審如何師云兩箇無孔鐵槌進云把斷要津還有爲人處也無師云百雜碎進云恁麼則如龍得水去也師云知則得間承師有言如今也要大家知未審知箇什麼師云風行草偃進云恁麼則恩深無語懷抱分明師云分

明底事又作麼生僧云通身無影象步步絕行蹤師云一不成二不是問如何是道中至寶師云待爾脫却業識來向爾道進云業識已脫請師指示師云種穀不生豆問寶劍出匣海蚌初開向上宗乘乞師直指師云橫接鎮鄉全正今進云恁麼則坐斷十方去也師云七縱八橫進云寶藏發開於此日五葉千燈事轉新師云曲不藏直乃云一向目視雲霄壁立千仞則孤負諸聖一向拖泥涉水灰頭土面則埋沒自己如今恁麼也得不恁麼

也得且貴正眼流通還委悉麼直饒高峯昆
盧頂不稟釋迦文婢視聲聞奴呼菩薩底來
也須亡鋒結舌自餘故是出頭不得所以道
三世諸佛只言自知歷代祖師全提不起一
大藏教詮註不及明眼衲僧自救不了若據
第四
本分草料猶是節外生枝不涉化門一句作
麼生道陣雲橫海上拔劍攬龍門下座
次受昭覺請拈帖云有眼者見有耳者聞不
從天降不從地湧既然符到奉行豈可囊藏
被蓋請維那宣過

陞座云火不待日而熱風不待月而涼鶴脰
自長鳬脰自短松直棘曲鵠白烏玄頭頭露
現若委悉得隨處作主遇緣即宗竿永隨身
逢場作戲有麼有麼問靈雲見桃華衲子如
何通信師云滿山紅爍爍進云上機頓曉中
下何如師云頂門上著眼進云功不浪施去
也師云爾脚跟下作麼生僧云踏破澄潭月
師云當空轉霹靂進云泥牛吼處天關轉太
馬嘶時地軸搖師云閻梨還和得麼僧拍手
三下師云錯錯錯進云靈山授記未到如此

師云不是苦心人不知進云輕輕躡足龍門
遇惹得清風動地來師云被閻梨帶累問大
庾嶺頭提不起如今何得在師邊師舉拂子
進云拈來當宇宙錦上更鋪華師云一葉落
知天下秋進云九九八十一還歸有道君漢四師
云但恁麼信取問兵隨印轉和尚今日兵印
在手如何受用師云看取今行時進云和尚
還用得斬諸侯劍麼師云嚇殺人進云四海
浪平龍睡穩九天雲靜鶴飛高師云却得閻
梨共證明進云昭覺從此佛日光輝去也師

云也不消得乃云我本無心有所希求今此
寶藏自然而至是天下是地左邊廚庫右
邊僧堂前是佛殿三門後是寢堂方丈寶藏
在什麼處還見麼如今坐立儼然見聞不昧
光輝溢目寂爾無眼盡凡聖情脫知見縛長
河爲酥酪大地變黃金從自己曾襟流出一
句作麼生道今古長如白練飛一條界破青
山色下座

指方丈云衲僧家魔宮虎穴尚乃安居何況
利生接物處所還知此室麼諸天擁護諸聖

證明其善知識端居此中與人解黏去縛既
有如是勝相山僧於中如何施設不入驚人
浪難尋稱意魚作麼主是入門向水歸巨海
波濤靜雲到蒼梧氣象開便入方丈

開堂拈疏示衆云靈山單傳密旨曹溪嫡嗣

正音盡在簡裏請表白拈出

指法座云三世諸佛於此轉法輪歷代宗師
於此提祖印欲行千里一步爲初不免起模
畫樣去也遂陞座拈香云奉爲今上皇帝祝
嚴聖壽萬歲萬歲萬歲又拈香云奉爲判

府內翰諸位勳貴又拈香云此一瓣香不從
葱嶺帶來亦非宵襟流出在南中見三十餘
員尊宿末後撞著箇老作家被他一槌擊碎
今日對衆說破奉爲見住蘄州五祖演和尚
以酬法乳保福贊和尚白槌云法筵龍象衆
當觀第一義漢口師云把斷世界還觀得也無直
饒一槌未落已前薦得猶落二三且作麼生
是第一義有知落處底麼出衆相見僧問釋
迦說法多寶證明和尚開堂內翰臨顧半山
相見即不問妙峯孤頂事如何師云瑞氣騰

空進云恁麼則片雲生谷口萬仞碧嵯峨師
云能有幾人知進云聖明天子以何報答師
舉拂子進云天上有星皆拱北人間無水不
朝東師云且得領詣問七擒七縱則不問賓
主相逢事若何師云寶劍倚天光燦爛進云
碧眼胡僧笑點頭師云相識滿天下進云昨
夜三更明月下奪取驪珠歸去來師云誰是
箇中人僧問三賢未達十聖難知如何是此
宗師云無孔鐵槌當面擲進云嚇殺人師云
嚇得一箇進云也知和尚慣恁麼師云僞又

作麼生僧云鷄子過新羅師云自知較一半
乃云玄機獨唱截斷衆流擺撥不拘更無回
互直饒釋迦彌勒不敢當頭著眼倚天長劍
凜凜神威杲日當空澄澄光彩無物不爲妙
用無法不是真乘控佛祖大機廊人天正眼
當陽曉示只貴知歸纔涉思量白雲萬里是
第四
故先聖道我此法印爲欲利益世間故說在
所遊方勿妄宣傳今日人天普集對衆分明
剖露舉拂示衆云大眾見麼一處真千處百
處一時真一句透千句百句一時透拈起也

乾坤岌嶪放下也河海晏清不拈不放又作

麼生萬仞峯頭高著眼大千沙界一浮漚遂

舉法燈云山僧本欲深棲巖竇隱遁過時蓋

緣清涼老人有未了底公案出來爲諸人了

却時有僧問如何是未了公案法燈便打云

祖禰不了殃及兒孫僧云過在什麼處法燈

云過在爾殃及我師云法燈縱域中殺活握

閻外威權直得氣槩驚群風標獨立山僧卑

志本亦如斯今日出來正緣五祖老師有箇

見成公案對衆舉揚有不惜性命底試出挨

拶着如無不免自拈自弄去也喝一喝以拂子擊禪牀下座

上堂僧問言無展事語不投機時如何委悉

師云未問已前百雜碎進云恁麼則只許老

胡知也師云摸索不著進云千聖出來也摸

索不著師云眼睛突出乃云不是目前法亦

非心外機直下絕承當當陽無向背一處明

去千處百處光輝一言通時千言百言透盼

非心非佛拈向一邊舉古舉今撥致一處只

諸人分上還證據得麼若證據得三世諸佛

於中成道神通變化於中流出大地山河於中發現九類四生於中長育且作麼生是該羅萬有一句來年更有新條在惱亂春風卒未休下座

上堂僧問祖意教意是同是別師云兩輪交互照進云恁麼達四則足上不足也師云又被風吹別調中問如何是涅槃心師云萬法悉歸源進云如何是差別智師云千差俱不動進云都來不消得去也師云爾放寶劍在什麼處僧云高著眼師云話作兩橛乃云遠問近

對萬世如今舉東明西千途一轍無事上演事無爲處作爲非色非聲青黃順逆非心非佛賓主交參全承此箇威光不在別處流轉且道此箇是什麼若喚作佛頭上安頭若喚作法無繩自縛祖師巴鼻是抱贓呌屈向上機關是揚聲止響直得總不恁麼始較些子且道既總不恁麼因什麼却較些子莫怪從前多意氣他家曾謁聖明君下座

上堂云獨掌不浪鳴獨樹不成林建法幢立宗旨須是互爲賓主安貼家邦所以道我若

坐時爾須立我若立時爾須坐我若孤峯獨宿爾須偃息干戈我若天上人間爾須三頭六臂然後可以光揚佛日且道浩浩之中如何辨主是處是慈氏無門無善財下座

上堂僧問捨沙獻佛果感輪王法寶今聞有

何利益師云千重百匝進云過往生天見存獲益去也師云不用閻梨重註脚問向上一路請師直指師云一棒打破虛空進云過在什麼處師云不識痛癢漢進云此猶是德山底師云山僧從來借路經過乃云貶上眉毛

濟四

九

蹉過大似開眼屎牀見成公案放行正是點兒落節恁麼不恁麼總得曳尾靈龜不是心不是佛不是物虛空釘橛進得許多閑門破戶猶是死水藏龍傾湫倒巒一句作麼生道巨靈撻手無多子分破華山千萬重下座

上堂云覺即了不施功麗天杲日印長空淨五眼得五力匝地清風有何極途中受用底似虎靠山世諦流布底如蛾投焰且道放行為人好把住為人好橫按鎮鄉全正令太平寰宇斬癡頑下座

上堂云化育之本物我同途祖佛之源古今不易靈然獨露透聲色無遺廊爾見前拘動寂不得坐却意見截却語言根塵中不隔絲毫聲外去來無際恁麼透得古今生死頭出頭沒悉皆坐斷苟或未然有寒暑考促君壽有鬼神考如君福下座

上堂云法界不容身佛眼覷不見聖智離言說海口莫能宣真截當陽已成階級轉身吐氣轉見周遮明明無覆藏明明絕點翳寬若太虛清知古鏡若以眼見文殊橫身若以耳

聞觀音彰用若以心知普賢當堂且道毗盧遮那在什麼處貶上眉毛下座

上堂云一毫穿衆穴大地沒遮攔徧界不曾藏古今無向背刹刹爾塵塵爾句句爾念念爾還明得麼若明得去不費纖毫力直入解

庚四 +

脫門絕承當一句作麼生道喝一喝下座

上堂云機輪未轉大地黑漫漫古鏡當軒沙界淨裸裸坐却意根無動轉處塞却咽喉無吐氣處却是箇真實底人提得即天上人間撥著便冰消瓦解正當命脉上如何點八月

秋何處熱下座

上堂云一即一切實際理地一切即一本來
無物拈起也吒吒沙沙放下也綿綿密密三
界長時獨露十方無處容身孤峯頂上倒行
十字街頭橫卧目視雲霄則且致魚行酒肆
一句作麼生道放憇作麼下座

改昭覺寺爲崇寧勑黃到開堂師拈勑黃示
衆云市地普天皆承恩力九州四海悉稟威
靈百千法門中殊特法門無量妙義中真實
勝義如今從天降下不在眼目定動唇吻今

開驗在目前一時薦取宣勑罷

指法座云大衆這一條路千聖共知徐行踏
斷流水聲縱觀寫出飛禽跡且道如何進步
要提無相毗盧印須向千峯頂上行

陞座拈香示衆云光吞萬象氣絕諸塵始從

撥草瞻風以至入廊垂手等閑不欲全彰切

恐驚群動衆今日拈來奉爲今上皇帝祝嚴
聖壽次拈香云奉爲判府尚書諸衙勲貴次
拈香云十年淮甸受盡辛勤一道清虛親蒙
印可不敢孤負奉爲五祖老師以酬法乳正

法和尚白槌師乃云駕千鈞弩一擊便行射
透鐵圍不容擬議一言之下煞活全彰寸機
之中包括群象直須當頭點破可以千眼頓
開更若四顧躊躇便見撈天摸地有構得底
出衆相見僧問三通鼓罷四衆臨筵學人上
來請師說法師云天晴日出進云莫只這是
爲復別有師云且只了一頭進云兩頭時如
何師云看爾承當不得問百華競秀妙德家
風一亘晴空普賢境界去此二途請師指示
師云石笋抽條長一丈進云莫便是和尚爲

人處也無師云這邊那裏兩頭垂進云請師
拈出師云猶自不知進云恁麼則騎牛穿市
過師云終是聲訛間有一語全規矩今日開
堂有何祥瑞師云乾坤廓落無邊際杲日當
空宇宙明進云一點水墨兩處成龍去也師
云說什麼兩處僧問語默涉離微如何通不
犯師云天知地知進云恁麼則驗在目前去
也師云爾見什麼進云日月光天德山河壯
帝居師云却較些子乃云全機大用觸處見
成溢目清光貫通今古一塵含法界一念徧

十方盡大地是真實人總刹海爲大解脫只
在當人略回光相自著眼看可以克證無生
頓超方便是故諸佛出世爲一大事因緣祖
師西來亦不出見性成佛只如今日奉皇帝

勑建大伽藍賜額度僧祝嚴聖壽一場佛事

精明一念返本還源即具頂門三眼萬里更
無纖翳千聖齊立下風坐斷報化佛頭直得
壁立千仞且道是什麼人境界鵠弓已掛狼
煙息萬里歌謡賀太平下座

上堂云通身是眼見不及通身是耳聞不徹

通身是口說不著通身是心鑑不出直饒盡
大地明得無絲毫透漏猶在半途據今全提
且道如何展演城中日月縱橫掛一亘晴空
不起處對衆八字打開去也遂舉拂子云大

衆還見麼擊禪牀云還聞麼見處透脫聞處

萬古春下座

上堂云當陽有路祖佛共知覩面相呈見聞

不隔萬象不能藏覆千聖無以等階活鱠鱠
絕承當淨躰無回互直饒棒如雨點喝似
奔雷猶未動著向上關捩在如何是向上關
捩瞎却諸聖眼癢却山僧口日午打三更面

南看北斗下座

卷四

十三

聞五祖訣上堂云大庾嶺頭笑却成哭崇寧
門下哭却成笑何故喫泉水貴地脉且要正
眼流通宗風不墜所謂無常生死法與我不
相干若能如是見不用哭蒼天既不用哭蒼
天如何通信請大眾拈香兩彩一賽下座

上堂云般若流運四象遷移正眼密弘一陽
來復昆蟲動植悉稟此恩履地奉天咸知慶
賀且道無陰陽地上還有這箇消息也無日
南長至晷運推移錯下座

上堂云大人具大見大智得大用胷中懷六

合袖裏掛金龜高提祖印據寰中萬里孤光
長溢目直得清風布地雨灑長空截斷兩頭
歸家穩坐所以道映眼時若干日萬象不能
逃影質凡夫只是未曾觀何得自輕而退屈
只如盡華藏世界海窮虛空邊際都盧是箇

金剛眼且作麼生觀採石渡頭風浪靜三三
兩兩釣魚船下座

上堂僧問一大藏教那箇是頭師云如是我聞進云此是阿難底如何是和尚底師云山僧用得甚快乃云一言道合隨處皆真一句無私全彰寶印問得也善不問甚奇烜赫光明本無向背所以道無邊刹海自他不隔於毫端十世古今始終不移於當念不隔處總十方爲真境不移處貫十世於目前淨躰裸脫塵情赤灑灑無蓋覆直得千聖同躍萬機

頓赴還會麼竿頭絲線從君弄不犯清波意
自殊下座

上堂僧問如何是教外別傳一句師云問取燈籠進云謝師答話師云自領出去進云却是禪外別傳也淡四師云三千里外過崖州問學人不恁麼時如何十四師云莫亂統進云趙州庭前柏崇寧庭前楠是同是別師云莫眼華進云一種沒絃琴惟師彈得妙師云山僧亦不承當乃云在天成象在地成形日月爲照臨四時作寒暑居谷盈谷處坑滿坑有情則動

轉施爲無情則森羅顯煥如今在山僧拄杖
頭上指山山崩指海海竭點鐵成金點金成
鐵攬長河爲酥酪化酥酪爲長河見諸人不
會變作無邊身菩薩十方六趣悉皆普現去
也還見麼鴛鴦綉出從君看不把金針度與
人以柱杖擊禪牀下座

照十方萬有全歸一念寬闊非外寂寥非內
鬧市裏天子百草頭老僧物物頭頭全身塵
塵刹刹大用不落已見外緣一句作麼生道
禹力不到處河聲流向西下座

上堂僧問入門一句作麼生道師云引得一

湧出

十五

筒上鉤來進云爭奈吞却萬象師云無孔鐵
槌進云學人今日失利師云三點兩點愁殺
人乃云覲面見得在聖猶虧纔涉關津白雲
萬里諦實處不思議綿密處同真際把斷世
界無絲毫透漏脫灑一句作麼生道萬仞峯

上堂僧問如何是正主師云萬派皆歸海千
山必仰宗進云見成公案去也師云脚下黑
如漆進云莫謾學人好師云具行脚眼未僧
云和尚道什麼師云墮坑落塹乃云智光洞

頭獨足行下座

上堂孤迥峭巍巍始終活潑潑喚作禪道祖
佛眼中著屑不喚作禪道祖佛掘地覓天還
有得入者麼從他千古萬古黑漫漫填溝塞
壑無人會下座

上堂云點即不到一大藏教錦上鋪華到即
不點祖師西來金聲玉振且道祖意教意是
同是別碧潭雲外不相關下座

上堂云三轉法輪於大千其輪本來常清淨
一切諸佛皆恁麼轉若向下去三乘五性頓

漸偏圓若向上去不唯覓下口處不得臨濟
德山目瞪口啞且道不落上下又作麼生誰
是出頭人下座

上堂云僧云直待金星現燒然始到頭學人
金星在手時如何師云點進云恁麼則不到

頭也師云亂走衲僧進云爭奈金星何師云
蹉過了也僧問祖師也恁麼道天下老和尚
也恁麼道未審崇寧作麼生道師云山僧不
恁麼道進云撞著磕著去也師云撞著箇什
麼進云禪客相逢只彈指師云兩頭三面進

云殺活臨時師云腳頭脚底師云入荒田不
揀三千里外黑漫漫牛頭沒馬頭回百億萬
劫沒交涉拈一放一節外生枝舉古舉今無
風起浪山僧今日一時坐斷且道還有爲人
處也無千峯勢到巔邊止萬派聲歸海上消

淡山

十六

下座

上堂僧問譬如擲劍揮空有一人劍亦無虛
空亦不揮時如何師云大衆見偽敗闕進云
學人只管推出和尚何不行師云莫謗崇
寧好進云爲什麼不肯承當師云藏身露影

進云今日捉敗師云果然間牛頭未見四祖
時如何師云天地莫能知進云見後如何師
云古今成榜樣進云仁義只從貧處斷去也
師云鬼窟裏出頭來乃云青鬱鬱碧湛湛
草頭上泄天機華簇簇錦簇簇鬧市堆邊露
真智金聲玉振擲地風光電轉星飛通天作
用不與萬法爲侣則且致針眼魚吞却嘉州
大像時如何惡下座

上堂問如何是塵塵三昧師云點滴不施進
云是一是二師云毫端寶刹進云兩彩一賽

去也。師云：痛領一問。僧云：蒼天蒼天。師云：未領在問。世尊拈華迎葉，微笑和尚說法有何指示？師云：一物也無。進云：為什麼一物也無？濟四師云：爲爾無眼。十七進云：爭柰學人何？師云：一任跨跳。乃云：目前絕對待萬境森然。物外有玄機。當陽卓犖棒喝照用。拈向一邊語路縱橫，放過一著。爾諸人向這裏撥得一線路去直下孤危，倘未撥得，鼻孔盡在山僧手裏拈住。杖云：穿却了也。擊禪牀下座。

上堂僧問：團團無縫罅，因甚麼得恁奇特？師云：亡華八裂進云。言中有響去也。師云：且緩。緩喝長至一陽生。君子道長時如何？濟四師云：衲僧門下無許多事。進云：萬法是心光，又作麼生？師云：却好高著眼。進云：直下承當去也。師云：利劍揮空。乃云：離相離名。絕塵絕跡。一回拈出一回新。一度用著一度快。橫談萬有豎透金輪內。沒纖毫外無點綴。若能不作聖情，凡解擔荷。展演得去入鄆垂手著著有出身之機。退處孤峯處。處處歷剎塵之境。恁麼中不恁麼。不恁麼中却恁麼。全提一句作麼生道。

撥開向上一竅千聖齊立下風下座

上堂僧問去歲今朝今日去今年年是去年
年如何是物不遷師云眉毛在眼上進云恁
麼則改故換新去也師云莫錯認進云如何
是不錯認底師云好看取進云劫火洞然毫
未盡青山依舊白雲中師云轉得回來不直
錢問萬物維新之際一人納慶之辰如何是
新年頭佛法師云孟春猶寒進云恁麼則法
不孤起師云坐却主人翁什麼處出氣進云
長空有月千門照師云隨人腳跟轉乃云一

法若有毗盧墮在凡夫萬法若無普賢失其
境界一法萬法若有若無毗盧普賢凡夫法
界盡在箇裏好不資一毫醜不資一毫不地
普天內外包括未有天地世界已早見成及
乎萬彙資彰凝然不變若向一氣未兆已前
著得眼去落第二頭更於萬物見成之際信
得及去轉沒交涉新年舊歲歷歷分明一句
東四十八作麼生道日日香華夜夜燈下座

上堂僧問十五日即不問如何是和尚分明
爲人一句師云當陽見定無毫髮擬議尋思

陽萬山問正當上元水牯牛在什麼處師云
鐵棒打著瘡痕露乃云撥塵見佛未免眼裏
撒沙聞聲悟道亦是耳中著水直得生佛無
階級空界悉等平淨裸體絕思惟赤灑灑沒
可把猶未離這邊事在更須揮金剛寶劍斬
斷誓訛拈殺活柱杖打破得失亦未明向上
一竅在儻或具大丈夫意氣有烹佛祖鉗槌
直下向那邊承當得却來這裏橫三豎四坐
一走七荷負宗乘提持祖印有時放行同彼
同此見隨類身和光順物有時把住莫道佛

眼覩不見設使盡大地草木悉變爲千百億
身放無數光明也照不著且道即今作麼生
若不藍田射石虎幾乎悞殺李將軍下座
上堂僧問橫穿碧落倒卓須彌未審是什麼
人分上事漢四師云入地獄人分上事進云却是
他安身立命處十九師云瓦解冰消進云此心能
有幾人知師云只恐不知乃云終日相逢無
半面剛然千里有知音不須格外論奇特只
此全機耀古今傾蓋如舊白頭如新兩鏡相
照不隔纖塵偏界未嘗示相毫端普現色身

止猶谷神動若行雲相見又無事不來還憶
君下座

上堂云禪非意想立意乖宗道絕功勲建功
失旨聞清聲外句莫向意中求轉照用機關
柄佛祖鉗鍵有佛處互爲賓主無佛處風颸
颸地心寧意泰響順聲和似恁麼人且道向
什麼處安著披蓑側立千峯外引水澆蔬五
老前下座

上堂云本來是佛無成不成正體湛然離出
不出本分事上直得萬里無片雲猶未可放

過更說什麼諸餘其或隨機且論箇出世不出世所以道淨法界身本無出沒大悲願力示現受生且道釋迦老子即今在什麼處只知事逐眼前過不覺老從頭上來下座

上堂僧問了了見無一物未審如何師云好箇消息進云功不浪施去也師云只恐脚不點地進云回頭看滌眼特地一場愁師云果然浪走僧問學人不起一念時如何師云自傷已命進云因誰致得師云莫換崇寧舌頭好問妙體本來無處所時如何師云腦後拔

模問如何是玄中玄師云玄殺爾進云石人
暗點頭師云言猶在耳乃云舉無遺照十方
刹海目前觀五體堂堂大千同一真如性各
守本位去山是山水是水互換投機去星辰
易位祖佛潛_遠蹤兩處絕聲訛二邊純莫立無
可不可悉得安居隨時應緣凝_{二十}然湛寂且道
長養聖胎一句作麼生道不起纖毫修學心
無相光中常自在下座

上堂僧問如何是平展之機師云縱橫十字
進云且得沒交涉師云什麼處沒交涉僧云

腦後拔箭師云拶問父母非我親誰是最親
者師云吾常於此切進云諸佛非我道誰是
最道者師云須是有轉身處始得僧云欲行
千里一步爲初師云信受奉行乃云國無定
亂之劔四海晏清門無白澤之圖全家吉慶
若道有承恩力處正是土上加泥更或削跡
吞聲亦乃將南作北到這裏縱橫十字未免
警訛據位投機猶較些子且作麼生是據位
底向寒山逢拾得撫掌笑呵呵下座

上堂僧問江邊臨水者盡是採魚人錦鱗紅

尾作麼生取師云莫妄想進云不妄想時如何師云不計工程得便休進云碧潭深萬丈直下取魚歸也師云更須退步問一塵舍法界時如何師云暗裏觸體明世界乃云祖祖相傳傳底事佛佛授手不唯他若存情識論漢四
二十知解耳裏塵沙眼內華所以道見聞覺知是法法離見聞覺知不著佛法僧求呼喚不回籠羅不住更須知棒喝交馳照用同時向上一竅始得且作麼生是向上一竅鶴有九臯難翥翼馬無千里謾追風下座

上堂僧問一兩普滋還有佛法也無師云全承他力進云頭上漫漫脚下漫漫去也師云也須乾剥剝始得進云盡大地總是教學人如何趣入師云和頭沒却進云恁麼則兩重相見師云料掉沒交涉乃云牛頭沒馬頭回千聖不知前三三後三三河沙莫算低低處平之有餘高高處觀之不足東勝身洲走馬南贍部洲著撲扇子跨跳上天東海鯉魚發怒直得雨似盆傾大千沙界悉已瀰漫且道是牛頭沒馬頭回是前三三後三三海神知

貴不知價留向人間光夜下座

上堂云棒頭取證撒土撒沙喝下承當承虛接響向上向下轉更顛頽說妙談玄和泥合水這一片田地分付來多時也平白欺人盡大地撮來如粟米粒大掉棒打月佛祖凡聖拈向一邊總不依倚時如何紅霞穿碧海白日遶須彌下座

上堂僧問生死交謝寒暑迭遷未審無位真人還有寒暑也無師云汗流似雨進云分明在目前也師云莫向目前作窠窟進云爭柰

即今何師云鈍置阿師乃云暑氣蒸人如墮覩四肢流汗似燒湯賴他白羽全施力引得清颺一襲涼諸人還覺寒毛卓堅麼劄下座上堂僧問須彌山意旨如何師云推不向前約不退後進云未審還有過也無師云坐却舌頭問法不孤起仗境方生提坐具云這箇是境如何是法師云却被閻梨奪却槍進云和尚今日爲什麼退已讓人師云只有先鋒無殿後進云未審如何是殿後師云還我話頭來乃云田地穩密底擡脚不起探頭太過

神通妙用底放脚不下收身未轉直饒十字
縱橫朝打三千猶較些子且道教訛在什麼
處若知有去始見全提半提儻或未知布袋
裏老鴉雖活如死下座

上堂僧問南泉斬猫兒意旨如何師云殺活
臨時進云趙州戴草鞋又作麼生師云是他
屋裏事進云打鼓弄琵琶去也師云且莫詐
明頭乃云有佛處羅籠不住無佛處荒草尋
人放行也觸處光新把住也乾坤陡變且道
向上人來時如何他家自有通霄路下座

上堂云休夏自恣海衆常規秋色澄清乾坤
爾殺般若流運動靜一如時節不相饒炎涼
倏改變無生曲調韻出清宵至寶當軒光吞
萬象古今不覆蓋見在設遮攔一念不落諸
緣證取自家境界何必靈山覓佛少林問祖

濟四

三十三

會麼解開布袋無拘束切更勤看水牯牛下

座

上堂云一言截斷千聖消聲一劍當前橫屍
萬里所以道有時句到意不到有時意到句
不到句能刻意意能刻句意句交馳衲僧巴

鼻若能恁麼轉去青天也須喫棒且道憑箇
什麼可憐無限弄潮人畢竟還落潮中死下
座

上堂云殺人刀活人劍上古之風規亦是今
時之樞要言句上作解會泥裏洗土塊不向
言句上會方木逗圓孔未擬議已蹉過正擬
議隔關山擊石火閃電光構得構不得未免
喪身失命且道此理如何苦瓠連根苦甜瓜
徹帶甜下座

上堂云雲騰致雨世界索然日照天臨乾坤

廓爾文殊堂裏萬菩薩縱然顯現睛是晴雨
是雨山是山水是水阿那箇是萬菩薩風暖
鳥聲碎日高華影重下座

上堂云定乾坤句包古括今透生死關超聲
越色鬼窟活計百千萬劫難出頭截斷衆流
一片虛凝沒依倚設使乾坤倒覆大海翻騰
草木叢林悉皆化爲刀槍矛盾也動他一黠
不得且道憑箇什麼恁麼地手執夜明符義
箇知天曉下座

上堂云賊上眉毛早蹉過塞却眼更形言語

轉周遮合取口盡大地都爲一塵佛眼覩不見一大藏都爲一句海口莫能宣也未提得一半在忽然踏破化城時如何行到水窮處坐看雲起時下座

上堂云風清戶牖明明古鏡高懸光射斗牛
漂漂太阿橫按外魔臨之膽帽妖邪擬之魂漢口二十亡千聖拱手歸降十方居然坐斷外絕四維內絕理事直下便是諸人還見麼不離當處常湛然覓則知君不可見下座

退院歸辭衆上堂云未有長行而不住未有

長住而不行爲無爲益無益梯航三有津濟四生是衲僧家本分事雖然時節到來一刀兩段要且鼻孔不在別人手裏所以道動若行雲止猶谷神既無心於彼此亦無象於去來如是則去來不以象動靜不以形豈不綽綽然有餘裕哉且道臨行一句作麼生道本是林下人却歸林下去下座

圓悟佛果禪師語錄卷第一

音釋

永樂北藏

圓悟佛果禪師語錄

第一五五冊